



Canllaw i ganlyniadau Lefel Mynediad

Mehfin 2019

1. Diwrnod y Canlyniadau

i) Casglu Canlyniadau Arholiadau

Rhaid i ymgeiswyr gasglu eu canlyniadau o safle eu hysgol neu goleg, fel arfer ar Ddiwrnod Canlyniadau swyddogol y cymwysterau y maent wedi eu sefyll.

Yn 2019, bydd canlyniadau mis Mehefin yn cael eu cyhoeddi **ddydd Iau, 22 Awst**.

Nid yw CBAC yn gallu darparu na thrafod canlyniadau dros y ffôn na drwy gyfathrebu ar e-bost ag ymgeiswyr neu rieni, hyd yn oed os yw'r ysgol neu'r coleg wedi cau. Dylai ymgeiswyr, felly, gadarnhau gyda'u hysgol neu goleg pryd a ble y bydd canlyniadau ar gael i'w casglu a sut a gyda phwy y gallent drafod unrhyw faterion neu bryderon.

(ii) Beth i'w ddisgwyl

Ar Ddiwrnod y Canlyniadau, bydd ymgeiswyr yn derbyn darn o bapur gyda'u canlyniadau arno (gweler Atodiad 1). Canlyniadau rhagarweiniol yw'r rhain ar hyn o bryd; gall fod newidiadau yn hwyrach ymlaen, er enghraifft yn dilyn Adolygiad o Farcio neu Gymedroli. Gweler adran 4 yn ogystal â'n tudalen [Gwasanaethau Ar ôl y Canlyniadau](#).

iii) Sut mae'r slip yn dangos y canlyniadau?

Bydd slipiau canlyniadau yn dangos canlyniadau ymgeisydd ar gyfer y pynciau a safwyd yn ystod y gyfres arholiadau honno.

Cymwysterau llinol yw pob un o gymwysterau Lefel Mynediad CBAC. Bydd y canlyniad yn dangos y radd gyffredinol ar gyfer pob pwnc. Bydd y marc ar gyfer cydrannau unigol i'w weld hefyd.

Yn ogystal â graddau a marciau, gall slipiau canlyniadau gynnwys symbolau eraill:

Mae **X** yn dangos nad yw canlyniad yn cael ei gyhoeddi oherwydd absenoldeb ymgeisydd o bob cydran/uned. Mae'n bosibl hefyd y penderfynwyd peidio â chyhoeddi canlyniad. Ni fydd unrhyw bwnc ag (X) yn ymddangos ar y dystysgrif.

Mae **Q** yn dangos bod canlyniad i ddod neu ddim ar gael ar hyn o bryd.

Rhoddir y dangosydd hwn nesaf i'r radd gyffredinol os yw'r ymgeisydd wedi cwblhau gwaith ar gyfer rhai, ond nid pob un, o gydrannau neu unedau'r pwnc.

Gweler Atodiad 1 am enghraifft o slip canlyniadau.

2. Deall eich canlyniadau

i) Esbonio Graddau

Mae canlyniadau Llwybrau Mynediad yn cael eu hadrodd fel 1, 2 neu 3 yn dynodi Llwyddiant ar naill ai Mynediad 1, Mynediad 2 neu Mynediad 3 a Mynediad 3 yw'r radd uchaf.

Bydd y canlyniadau sy'n methu â chyrraedd y safon isaf ar gyfer y dyfarniad yn cael eu dangos fel U (annosbarthedig)

ii) Esbonio Marciau

Mae cyfanswm marciau crai yn cael ei ddyrannu i bob cydran mewn cymhwyster.

iii) Sut mae marciau yn cael eu trosi'n raddau

Mae nifer penodol o farciau crai i bob cydran . Fodd bynnag, gall cydrannau o fewn cymhwyster fod â phwysoli gwahanol. Mae ffactor pwysoli (y cyfeirir ato hefyd fel ffactor agregu) yn cael ei gymhwyso wrth gyfrifo cyfanswm y marciau. Mae pwysoli yn esbonio pam nad yw'r marciau crai ar gyfer cydrannau unigol bob amser yn adio i gyfanswm y marciau ar gyfer y cymhwyster. Gellir cyfrifo'r marc pwysol ar gyfer pob cydran trwy luosi'r marc crai ar gyfer cydran â'i ffactor pwysoli.

3. Ffiniau Graddau

Ffiniau graddau yw'r nifer isaf o farciau sydd eu hangen i ennill pob gradd. Er bod papurau arholiad yn cael eu hysgrifennu i'r un lefel o anhawster, maen nhw yn amrywio bob blwyddyn. Mae ffiniau graddau yn sicrhau bod ymgeiswyr yn derbyn yr un radd ar gyfer yr un lefel o berfformiad, pryd bynnag caiff arholiad ei sefyll. Cyhoeddir ffiniau graddau ar Ddiwrnod y Canlyniadau.

Dyfernir gradd am y pwnc yn gyffredinol, yn hytrach nag ar gyfer pob cydran sy'n cyfrannu tuag at y radd gyffredinol.

Mae'r ffiniau graddau 'tybiannol' ar gyfer pob cydran hefyd ar gael. Mae ffiniau graddau yn 'dybiannol' a bwriedir iddyn nhw fod yn arweiniad yn unig, nid graddau swyddogol ydyn nhw. Gall y ffiniau graddau tybiannol newid o un gyfres i'r llall.

Ar Ddiwrnod y Canlyniadau, bydd yr holl ffiniau graddau llinol a'r uchafsymiau marciau i'w gweld ar ein gwefan o 8 a.m.

4. Beth i'w wneud os yw ymgeisydd am wneud ymholiad am ganlyniad

Mae'n bwysig bod ymgeiswyr yn trafod unrhyw bryderon â'u hysgol neu goleg, swyddog arholiadau neu athro fel arfer, a phenderfynu ar yr opsiynau gorau sydd ar gael.

Os teimlir bod gwall wedi digwydd, gallai'r ganolfan wneud cais am un neu fwy o'r gwasanaethau ar ôl y canlyniadau a gynigir gan CBAC. Ni all ymgeiswyr mewnlun na rhieni wneud cais. Gall ymgeiswyr preifat gysylltu'n uniongyrchol â Gwasanaethau ar ôl y Canlyniadau CBAC i gyflwyno cais.

Ymhlith y gwasanaethau hyn mae:

- **Dychwelyd sgrïptiau** – fersiwn electronig o'r sgrïpt, naill ai fel copi blaenoriaethol cyn gwneud cais am adolygiad o'r marcio neu fel gwasanaeth nad yw'n flaenoriaethol ar gyfer dysgu ac addysgu.
- **Ailwiriad clerigol** – ailwiriad yw hwn o'r holl weithdrefnau clerigol sy'n arwain at gyhoeddi canlyniad.
- **Adolygu'r marcio ar ôl y canlyniadau** – adolygiad o'r marcio gwreiddiol i sicrhau bod y cynllun marcio y cytunwyd arno wedi'i ddefnyddio'n gywir

- Adolygiad o'r cymedroli ar ôl y canlyniadau – noder nad yw hwn ar gael ar gyfer ymgeiswyr unigol.

Am fanylion pellach, ewch i'n tudalen [Gwasanaethau ar ôl y Canlyniadau](#) a chyfeiriwch at y wybodaeth a gyhoeddir gan y CGC am weithdrefnau [Gwasanaethau ar ôl y Canlyniadau](#).

Mae'n bwysig nodi y gall marciau aros yr un fath, neu godi neu ostwng, wrth wneud cais am ailwiriad clerigol neu adolygiad o farcio. Felly, rhaid i ymgeiswyr lofnodi dogfen yn cydsynio i'r cais cyn i ysgol neu goleg ei gyflwyno.


Bydd y canlyniad yn cael ei gyhoeddi yn uniongyrchol gan CBAC i'r ysgol neu goleg, a byddan nhw wedyn yn trosglwyddo'r wybodaeth i'r ymgeiswyr. Os cyflwynwyd cais gan ymgeisydd preifat yn uniongyrchol i CBAC, yna'r ymgeisydd ei hun fydd yn derbyn y canlyniad. **Unwaith y bydd canlyniad wedi'i gyhoeddi, ni ellir adfer y marc gwreiddiol dan unrhyw amgylchiadau, hyd yn oed os yw'r marc newydd yn is na'r marc gwreiddiol.**

5. Pryd bydd tystysgrifau ar gael?

Bydd tystysgrifau yn cael eu hanfon i ganolfannau erbyn **7 Tachwedd**

Dylai ymgeiswyr wirio bod eu manylion personol, enw a dyddiad geni, yn gywir ar y slip canlyniadau a rhoi gwybod i'r Swyddog Arholiadau os oes unrhyw wallau. Rhaid i Swyddogion Arholiadau roi gwybod i CBAC am wallau, yn ysgrifenedig, yn ddim hwyrach na 9 Medi 2019. Os na fydd gwallau'n cael eu cywiro yn y cyfnod hwn, bydd cost am dystysgrifau newydd ar ôl eu cyhoeddi. Dylai ymgeiswyr gadarnhau'r trefniadau ar gyfer derbyn eu tystysgrifau gyda'u hysgol neu goleg.

Atodiad 1 – Enghraifft o Slip Canlyniadau

		SUMMARY OF RESULTS ENTRY LEVEL JUNE 2019				
CENTRE NO.	CENTRE NAME					
CANDIDATE NO.	CANDIDATE NAME			DATE OF BIRTH		
CANDIDATE UCI		CANDIDATE ULN				
ENGLISH	QUALIFICATION	6700QC	UMS	Paper	Mark	Grade
				01:ENGLISH 1	040 (040)	1
				02:ENGLISH 2	002 (080)	
				03:ENGLISH 3	004 (040)	

1

2

3

4

5

6

- 1** Yn dangos y Cymhwyster y cofrestrwyd yr ymgeisydd amdano
- 2** Yn dangos rhif y pwnc
- 3** Yn dangos yr uned y cofrestrwyd yr ymgeisydd amdano
- 4** Yn dangos y marciau a enillwyd gan yr ymgeisydd
- 5** Yn dangos y cyfanswm marciau sydd ar gael am y gydran
- 6** Yn dangos y radd a enillwyd gan yr ymgeisydd